



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1644. usque ad annum 1651

**Fleury, Claude**

**August. Vind. [u.a.], 1779**

**VD18 90119177**

§. 35. Quidam Scriptores Catholici hoc anno defuncti.

---

[urn:nbn:de:hbz:466:1-67359](https://nbn-resolving.org/urn:nbn:de:hbz:466:1-67359)

Sæc. XVII.  
A. C. 1644.

§. XXXV.

*Quidam Scriptores Catholici hoc anno defuncti.*

*Nouvell.  
Bibl. Dupin.  
Siecl. XVII.  
Bibl. Hist.  
des Aut. de  
la Congr.  
de S. Maur.  
Abregé de  
l'hist. Eccl.  
t. 10. p. 385*

**E**x Scriptoribus Ecclesiasticis, qui suis lucubrationibus ingens Ecclesiæ Catholicæ obsequium præstitere, atque hoc anno fati functi sunt, præcipue locum sibi vendicant sequentes. I. Simon de Muis patria Aurelianensis, ac linguæ Hebraicæ Professor Regius, qui commentaria omnibus numeris absoluta in Psalmos & Cantica edidit, ac præcipue loca, in quibus vulgata a textu hebraico discrepat, annotavit: Alium quoque conscripsit librum sub titulo: *Varia Sacra*, in quo difficiliora loca a Genesi usque ad librum Judicum sat erudite explanavit, totum tamen opus non absolvit, præpeditus a Patre Morino, qui in suis Exercitationibus Ecclesiasticis textus hebraici puritatem auctoritatemque impugnavit: contra hunc ergo Simon dissertationem, censuram & denique tertiam apologiam pro editione Hebraica seu castigationem animadversionum contra ejus censuram a P. Morino editarum posteris reliquit. Præterea idem Author typis vulgavit notas in Grammaticam Hebræam Bellarmini, Commentarium



tarium Hebræo-Latinum Rabbinorum Sæc. XVII.  
 Kimchi & Jarchi in Malachiam, & No- A. C. 1644.  
 tas ad librum primum Criticæ Ludo-  
 vici Capelli: Cuncta hujus Scriptoris  
 opera Parisiis cura Claudii de Alvernia  
 Regii Professoris anno hujus sæculi  
 quinquagesimo in uno volumine pro-  
 dierunt. II. Hugo Menard Benedicti-  
 nus, qui primus ex Congregatione S.  
 Mauri, libris in Ecclesiæ utilitatem di-  
 vulgandis operam dedit, vastissimum-  
 que sui Ordinis Martyrologium unacum  
 notis, necnon concordiam Regularum  
 S. Benedicti de Aniana unacum vita e-  
 jusdem Sancti ab Adone descripta e-  
 didit: Scripsit quoque notas in S. Gre-  
 gorii Magni librum de Sacramentis,  
 præter Diatribam *de unico Dionysio*. Præ-  
 lo insuper paratam habebat editionem  
 Epistolæ sub nomine S. Barnabæ, quam  
 notis eruditissimis illustrare aggre-  
 diebatur, sed paulopost Parisiis vita  
 functus est. III. Daniel Clementinus  
 scripsit tractatum de Antilogiis & ab-  
 surdis Socinianorum. IV. Jacobus  
 Merlonus vulgo Horstius edidit denuo  
 opera S. Bernardi. V. Antonius Cliel-  
 mus descripsit excellentias SS. Triadis,  
 Calvariam Laureatam, præter incen-  
 dium Montis Vesuvii. VI. Melchior  
 de Torres ex Ord. Redemptorum de  
 Mercede edidit Agriculturam Christia-  
 nam



Sæc. XVII. nam seu exercitia Religiosorum, vi-  
A. C. 1644. storiam sui, & chronicon sui Ordinis.  
 VII. Petrus Monodus Jesuita, vulga-  
 vit commentaria de Eugenio IV. &  
 Amadæi Sabaudi seu Felicis V. Ponti-  
 ficum controversiis, ubi continetur ex-  
 acta Synodi Basileensis Historia: edi-  
 dit quoque illius apologiam pro Sab-  
 audix Principibus, & disquisitionem  
 Historicam de conjunctionibus Sabau-  
 dix & Francix. VIII. Caspar Seguir-  
 ran ex eadem Societate, a Ludovico  
 XIII. Galliarum Rege in Concionatorem  
 & Confessarium adlectus, qui duos  
 tomos Concionum in Dominicos & fe-  
 stos dies Parisiensibus literis excudi cu-  
 ravit. IX. Franciscus Freyre itidem  
 Jesuita, qui libros quinque consiliorum  
 & totidem de Heroum symbolis, præ-  
 ter S. Elisabethæ Lusitanæ vitam &  
 tractatum de excellentia Imperii Au-  
 striaci elucubravit. X. Joannes a S.  
 Thoma splendidum Ordinis FF. Prædi-  
 catorum lumen præter Philosophica e-  
 didit octo tomos Theologiæ Scholasti-  
 cæ: exstat quoque perelegans ipsius  
 tractatus de approbatione & puritate  
 doctrinæ D. Thomæ, necnon explica-  
 tio doctrinæ Christianæ, pluraque alia  
 Hispano idiomate exarata. XI. An-  
 dreas a S. Michaele Frater Laicus in-  
 ter



ter Carmelitas Discalceatos Conventus Sæc. XVII.  
 Angelopolitani, qui librum de me- A.C. 1644.  
 rito B. V. Mariæ Mathematicè compro-  
 bato, veram Arcæ Noe dimensionem  
 contra Goropiam, necnon ingens vo-  
 lumen de Architectura, & aliud de  
 motu cælorum, & modo exhauriendi  
 subterraneos latices edidit.

§. XXXVI.

*Scriptorum A catholicorum obitus, eo-  
 rumque lucubrationes.*

Ex Scriptoribus A catholicis, qui hoc Freher. Theol. erud. part. 1.  
 anno obiire, recenseri merentur.

I. Henricus Alting, e cujus calamo sect. 3. Vit. Prof. Græn.  
 profluxit expositio Catecheseos Palati-

næ, methodus Theologiæ Dialecticæ,  
 & Catecheticæ, exegeſis Confessionis  
 Auguſtanæ, & problemata tam theo-  
 retica, quam practica præter locos  
 communes didacticos & Elenchicos.

II. Fabianus Heidenus, qui hominis  
 peccatoris antidotum poſteris reli-  
 quit. III. Chriſtophorus Richterſus,  
 qui præter ſuas declamationes edidit  
 libellum, cui titulus: *Balneum Chri-  
 ſtianorum.*

§. XXXVII.